

## 2023 Rhif 1027 (Cy. 168)

### TRAFFIG FFYRDD, CYMRU

Gorchymyn Cefnffyrdd yr A40, yr A48, yr A483, yr A477, yr A487 a'r A4076 (Sir Gaerfyrddin a Sir Benfro) (Terfyn Cyflymder 30 mya, Terfyn Cyflymder 20 mya, a Therfyn Cyflymder 20 mya Rhan-amser) 2023

Gwnaed 19 Medi 2023

Yn dod i rym 20 Medi 2023

Mae Gweinidogion Cymru, sef yr awdurdod traffig ar gyfer cefnffyrdd yr A40, yr A48, yr A483, yr A477, yr A487 a'r A4076, drwy arfer y pwerau a roddir iddynt gan adrannau 84(1)(a), 84(1)(c), 84(2) a 124 o Ddeddf Rheoleiddio Traffig Ffyrdd 1984(1) a pharagraff 27 o Atodlen 9 iddi, yn gwneud y Gorchymyn hwn.

Mae Gweinidogion Cymru wedi ymgynghori â Phrif Swyddog Heddlu Dyfed Powys ac wedi rhoi hysbysiad cyhoeddus o'u bwriad i wneud y Gorchymyn hwn yn unol ag adran 84(2) o Ddeddf Rheoleiddio Traffig Ffyrdd 1984 a rheoliadau 5(1) a 6(1) o Reoliadau Gorchymynion Traffig yr Ysgrifennydd Gwladol (Gweithdrefn) (Cymru a Lloegr) 1990(2).

#### Enwi a chychwyn

1. Enw'r Gorchymyn hwn yw Gorchymyn Cefnffyrdd yr A40, yr A48, yr A483, yr A477, yr A487 a'r A4076 (Sir Gaerfyrddin a Sir Benfro)

- (1) 1984 p. 27; amnewidiwyd adran 84(1) gan adran 45(2) o Ddeddf Traffig Ffyrdd 1991 (p. 40). Amnewidiwyd adran 84(2) gan baragraff 61 o Atodlen 8 i Ddeddf Ffyrdd Newydd a Gwaith Stryd 1991 (p. 22). Yn rhinwedd O.S. 1999/672 ac adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi, mae'r swyddogaethau hyn yn arferadwy bellach gan Weinidogion Cymru o ran Cymru.
- (2) O.S. 1990/1656.

(Terfyn Cyflymder 30 mya, Terfyn Cyflymder 20 mya, a Therfyn Cyflymder 20 mya Rhan-amser) 2023 a daw'r Gorchymyn hwn i rym ar 20 Medi 2023.

## Dehongli

### 2. Yn y Gorchymyn hwn—

ystyr “cerbyd esempt” (“*exempted vehicle*”) yw—

- (a) unrhyw gerbyd sy'n cael ei ddefnyddio at y dibenion a ddisgrifir yn adran 87 o Ddeddf Rheoleiddio Traffig Ffyrdd 1984(1);
- (b) unrhyw gerbyd sy'n cael ei ddefnyddio at ddibenion y llynges, y fyddin neu'r llu awyr ac sy'n cael ei yrru gan berson sydd am y tro yn ddarostyngedig i orchmynion aelod o luoedd arfog y Goron, sy'n aelod o'r lluoedd arbennig—
  - (i) ac sydd wedi ei hyfforddi i yrru ar gyflymderau uchel ac sy'n gweithredu wrth ymateb, neu wrth ymarfer ymateb, i argyfwng diogelwch gwladol; neu
  - (ii) at ddiben hyfforddi person i yrru cerbydau ar gyflymderau uchel;

ystyr “lluoedd arbennig” (“*special forces*”) yw'r unedau hynny o'r lluoedd arfog y mae Cyfarwyddwr y Lluoedd Arbennig yn gyfrifol am gynnal eu galluoedd neu sydd am y tro yn ddarostyngedig i reolaeth weithredol y Cyfarwyddwr hwnnw.

## Cyfyngiadau

3. Ni chaiff neb yrru unrhyw gerbyd modur, ac eithrio cerbyd esempt, yn gyflymach na 30 milltir yr awr ar y darnau o'r cefnffyrdd a bennir yn Atodlen 1 i'r Gorchymyn hwn.

4. Ni chaiff neb yrru unrhyw gerbyd modur, ac eithrio cerbyd esempt, yn gyflymach nag 20 milltir yr awr ar y darnau o'r cefnffyrdd a bennir yn Atodlen 2 i'r Gorchymyn hwn.

5. Ni chaiff neb yrru unrhyw gerbyd modur, ac eithrio cerbyd esempt, yn gyflymach nag 20 milltir yr awr ar y darn o'r gefnffordd a bennir yn Atodlen 3 i'r Gorchymyn hwn.

---

(1) Diwygiwyd adran 87 gan baragraff 55 o Atodlen 1 i Ddeddf y Gwasanaethau Tân ac Achub 2004 (p. 21), paragraff 42 o Atodlen 4 i Ddeddf Troseddu Cyfundrefnol Difrifol a'r Heddlu 2005 (p. 15), paragraff 29 o Atodlen 8 i Ddeddf Troseddu a'r Llysoedd 2013 (p. 22) ac adran 50(4) a (5) o Ddeddf Dadreoleiddio 2015 (p. 20).

## Cymhwyso

6. Ni fydd y cyfyngiad 20 milltir yr awr yn erthygl 5 yn gymwys ond ar yr adegau hynny ac i'r graddau hynny y bydd arwyddion traffig yn eu dangos.

## Dirymiadau

7. Mae Gorchymyn Cefnffordd (yr A4076) (Pont Fadlen, Dyfed) (Ffyrdd Cyfyngedig) 1986(1), Gorchymyn Cefnffordd (Johnston, Preseli) (Ffyrdd Cyfyngedig) 1975(2), Gorchymyn Cefnffordd yr A4076 (Steynton Road, Aberdaugleddau, Sir Benfro) (Terfyn Cyflymder 20 mya Rhan-amser) 2017(3), Gorchymyn Cefnffordd yr A487 (Abergwaun Isaf, Abergwaun, Sir Benfro) (Terfynau Cyflymder 20 mya a 30 mya) 2002(4), Gorchymyn (Diddymu) Gorchymyn y Cefnffyrdd (Terfyn Cyflymder 40 MYA) (Rhif 6) (Cymru) 1968 2000(5), Gorchymyn Cefnffordd (Abergwaun, Dyfed) (Ffyrdd Cyfyngedig) 1983(6), Gorchymyn Cefnffyrdd yr A487 a'r A40 (Abergwaun, Sir Benfro) (Terfyn Cyflymder 20 mya) 2017(7), Gorchymyn Cefnffordd (yr A487) (Trefdraeth, Dyfed) (Dileu Cyfyngiad) 1987(8), Gorchymyn Cefnffordd yr A487 (Eglwyswrw, Crymch, Sir Benfro) (Terfyn Cyflymder 30 mya a Therfyn Cyflymder 20 mya Rhan-amser) 2017(9), Gorchymyn Cefnffordd yr A483 (Cwr Deheuol Tŷ-Croes, Rhydaman, Sir Gaerfyrddin) (Terfyn Cyflymder 30mya) 2002(10), Gorchymyn Cefnffordd yr A483 (Heol Pontarddulais, Tŷ-croes, Sir Gaerfyrddin) (Terfyn Cyflymder 20 mya Rhan-amser) 2017(11), Gorchymyn Cefnffordd yr A483 (Heol Pen-y-banc, Rhydaman, Sir Gaerfyrddin) (Terfyn Cyflymder 20 mya Rhan-amser) 2017(12), Gorchymyn Cefnffordd yr A483 (Heol Llandeilo a Heol Gwilym, Llandybïe, Sir Gaerfyrddin) (Terfyn Cyflymder Rhan-amser o 20 mya) 2016(13), Gorchymyn Cefnffordd yr A483 (Talhardd Villas, Ffair-fach, Llandeilo, Sir Gaerfyrddin) (Terfyn Cyflymder 30 mya) 2002(14), Gorchymyn Cefnffordd yr A483 (Stryd Rhosmaen, Llandeilo, Sir Gaerfyrddin) (Terfyn Cyflymder 20 mya Llawnamser a Rhan-amser) 2017(15) a Gorchymyn Cefnffordd yr A483 (Heol Newydd a Heol Llanfair,

- 
- (1) O.S. 1986/710.
  - (2) O.S. 1975/1461.
  - (3) O.S. 2017/429 (Cy. 91).
  - (4) O.S. 2002/2937.
  - (5) O.S. 2000/438 (Cy. 18).
  - (6) O.S. 1983/47.
  - (7) O.S. 2017/86 (Cy. 31).
  - (8) O.S. 1987/1947.
  - (9) O.S. 2017/816 (Cy. 193).
  - (10) O.S. 2002/748 (Cy. 79).
  - (11) O.S. 2017/226 (Cy. 61).
  - (12) O.S. 2017/224 (Cy. 60).
  - (13) O.S. 2016/1056 (Cy. 248).
  - (14) O.S. 2002/2128 (Cy. 215).
  - (15) O.S. 2017/38 (Cy. 15).

Llanymddyfri, Sir Gaerfyrddin) (Terfyn Cyflymder Rhan-amser o 20 mya) 2017(1) wedi eu dirymu.

### **Addasiadau**

8. Mae Gorchymyn Cefnffordd yr A40 (Travellers Rest, Sir Gaerfyrddin) (Terfynau Cyflymder 50 mya a 30 mya) 2019(2) wedi ei addasu drwy ddileu erthygl 4 o'r Gorchymyn hwnnw ac Atodlen 2 iddo.

9. Mae Gorchymyn Cefnffyrdd (Ardaloedd Adeiledig) (Rhif 4) 1939(3) wedi ei addasu drwy ddileu'r disgrifiad o'r darn o ffordd a bennir yn yr Ail Atodlen i'r Gorchymyn hwnnw sy'n dechrau â'r pennawd "London-Fishguard Trunk Road" ac sy'n gorffen â'r geiriau "Great Western Railway Bridge at Goodwick Station".

Llofnodwyd ar ran y Dirprwy Weinidog Newid Hinsawdd, yn gweithredu o dan awdurdod y Gweinidog Newid Hinsawdd, un o Weinidogion Cymru.

Dyddiedig

19 Medi 2023

*Nicci Hunter*

Arweinydd y Tîm Busnes  
Llywodraeth Cymru

## **ATODLEN 1**

### **TERFYN CYFLYMDER 30 MYA**

#### **YR A40 - ABERGWILI**

Y darn o gefnffordd yr A40 yn Abergwili yn Sir Gaerfyrddin sy'n ymestyn o'i chyffordd ar ochr ogledd-orllewinol cerbyttffordd gylchredol Cylchfan Abergwili hyd at bwynt 62 o fetrau i'r gogledd-orllewin o'r gyffordd honno.

Y darn o gefnffordd yr A40 yn Abergwili yn Sir Gaerfyrddin sy'n ymestyn o'i chyffordd ar ochr dde-ddwyreiniol cerbyttffordd gylchredol Cylchfan

---

(1) O.S. 2017/313 (Cy. 81).  
(2) O.S. 2019/1415 (Cy. 252).  
(3) O.S. 1939/73.

Abergwili hyd at bwynt 76 o fetrau i'r de-ddwyrain o'r gyffordd honno.

Cerbyttfordd gylchredol Cylchfan Abergwili yr A40 yn Sir Gaerfyrddin.

#### **YR A40 - LLANGYNNWR**

Y darn o gefnffordd yr A40 yn Llangynnwr yn Sir Gaerfyrddin sy'n ymestyn o'i chyffordd ar ochr ogledd-ddwyreiniol cerbyttfordd gylchredol Cylchfan Llangynnwr hyd at bwynt 37 o fetrau i'r gogledd-ddwyrain o'r gyffordd honno.

Y darn o gefnffordd yr A40 yn Llangynnwr yn Sir Gaerfyrddin sy'n ymestyn o'i chyffordd ar ochr dde-orllewinol cerbyttfordd gylchredol Cylchfan Llangynnwr hyd at bwynt 65 o fetrau i'r de-orllewin o'r gyffordd honno.

Cerbyttfordd gylchredol Cylchfan Llangynnwr yr A40 yn Sir Gaerfyrddin.

#### **YR A40 - TRE IOAN**

Y darn o ffordd ymuno tua'r gorllewin cefnffordd yr A40 yn Nhref Ioan yn Sir Gaerfyrddin sy'n ymestyn hyd at bwynt 10 metr i'r de-ddwyrain o'i chyffordd â cherbyttfordd tua'r gorllewin yr A40.

Y darn o ffordd ymadael tua'r gorllewin cefnffordd yr A40 yn Nhref Ioan yn Sir Gaerfyrddin sy'n ymestyn hyd at bwynt 15 metr i'r de-orllewin o'r gerbyttfordd tua'r gorllewin.

Y darnau o ffyrdd ymuno ac ymadael tua'r gorllewin a thua'r dwyrain cefnffordd yr A40 yn Nhref Ioan yn Sir Gaerfyrddin sy'n ymestyn hyd at bwynt 55 o fetrau i'r de-orllewin o'u cyffordd â Heol Llansteffan.

#### **YR A40 - TRAVELLERS REST**

Y ffyrdd ymuno ac ymadael yn Travellers Rest (o'r enw Ffordd Gyswllt yr A40 i Farchnad Da Byw Caerfyrddin) yn Sir Gaerfyrddin sy'n ymestyn o'u cyffordd â'r brif gerbyttfordd tua'r gorllewin hyd at eu cyffordd â phrif gerbyttfordd gylchredol Cylchfan Maes y Sioe, Caerfyrddin.

Cerbyttfordd gylchredol Cylchfan Maes y Sioe, Caerfyrddin yn Travellers Rest (o'r enw Ffordd Gyswllt yr A40 i Farchnad Da Byw Caerfyrddin) yn Sir Gaerfyrddin.

Y darn o'r gefnffordd yn Travellers Rest yn Sir Gaerfyrddin sy'n rhan o'r (B4312) Heol Llysonnen (o'r enw hefyd Ffordd Gyswllt tua'r De yr A40 i Drosbont Travellers Rest) sy'n ymestyn o'i chyffordd â Ffordd Gyswllt yr A40 i Farchnad Da Byw Caerfyrddin hyd at ei chyffordd â cherbyttffordd gylchredol Ffordd Gyswllt Gorllewin Caerfyrddin.

Cerbyttffordd gylchredol Cylchfan Ffordd Gyswllt Gorllewin Caerfyrddin yr A40 yn Travellers Rest yn Sir Gaerfyrddin.

Ffordd ymuno tua'r dwyrain a ffordd ymadael tua'r dwyrain cefnffordd yr A40 yn Travellers Rest yn Sir Gaerfyrddin sy'n ymestyn o'u cyffyrdd â cherbyttffordd gylchredol Cylchfan Ffordd Gyswllt Gorllewin Caerfyrddin hyd at bwynt 28 o fetrau i'r de o'r gylchfan honno.

#### **YR A40 - SANCLÊR**

Y darn o'r ffordd ymadael tua'r gorllewin cefnffordd yr A40 yn Sanclêr yn Sir Gaerfyrddin sy'n ymestyn o'i chyffordd â cherbyttffordd tua'r gorllewin yr A40 hyd at bwynt 34 o fetrau i'r dwyrain o'i chyffordd â'r A4066 Stryd Fawr.

#### **YR A48 - CROSS HANDS**

Y darn o gefnffordd yr A48 yn Cross Hands yn Sir Gaerfyrddin sy'n ymestyn o'i chyffordd ar ochr ogledd-orllewinol cerbyttffordd gylchredol Cylchfan Cross Hands hyd at bwynt 189 o fetrau i'r gogledd-orllewin o'r gyffordd honno.

Y darn o gefnffordd yr A48 yn Cross Hands yn Sir Gaerfyrddin sy'n ymestyn o'i chyffordd ar ochr dde-ddwyrain cerbyttffordd gylchredol Cylchfan Cross Hands hyd at bwynt 125 o fetrau i'r de-ddwyrain o'r gyffordd honno.

Cerbyttffordd gylchredol Cylchfan Cross Hands yr A48 yn Sir Gaerfyrddin.

#### **YR A483 - LLANDYBÏE**

Y darn o gefnffordd yr A483 o'r enw Heol Llandeilo yn Llandybïe yn Sir Gaerfyrddin sy'n ymestyn o bwynt 31 o fetrau i'r gogledd-ddwyrain o ganolbwynt ei chyffordd â Heol Pentregwenlais hyd at bwynt 126 o fetrau i'r de-orllewin o ganolbwynt ei chyffordd â ffordd fynediad Ystad Ddiwydiannol Heol Llandeilo.

#### **YR A483 - HEOL PEN-Y-BANC, RHYDAMAN**

Y darn o gefnffordd yr A483 o'r enw Heol Pen-y-banc yn Rhydaman yn Sir Gaerfyrddin sy'n ymestyn o bwynt 16 o fetrau i'r gorllewin o ganolbwynt ei chyffordd â'r ffordd ddiennw sy'n arwain at Pontyclerc Farm House hyd at bwynt 80 metr i'r gorllewin o'i chyffordd â Ffordd Villiers.

#### **YR A40 - ROBESTON WATHEN**

Y darn o gefnffordd yr A40 yn Robeston Wathen yn Sir Benfro sy'n ymestyn o'i chyffordd ar ochr ogledd-ddwyreiniol cerbyttffordd gylchredol Cylchfan Robeston Wathen hyd at bwynt 12 metr i'r gogledd-ddwyrain o'r gyffordd honno.

Y darn o gefnffordd yr A40 yn Robeston Wathen yn Sir Benfro sy'n ymestyn o'i chyffordd ar ochr dde-orllewinol cerbyttffordd gylchredol Cylchfan Robeston Wathen hyd at bwynt 18 metr i'r de-orllewin o'r gyffordd honno.

Cerbyttffordd gylchredol Cylchfan Robeston Wathen yr A40 yn Sir Benfro.

#### **YR A40 - PONT CANASTON**

Y darn o gefnffordd yr A40 ym Mhont Canaston yn Sir Benfro sy'n ymestyn o'i chyffordd ar ochr ddwyreiniol cerbyttffordd gylchredol Cylchfan Pont Canaston hyd at bwynt 48 o fetrau i'r dwyrain o'r gyffordd honno.

Y darn o gefnffordd yr A40 ym Mhont Canaston yn Sir Benfro sy'n ymestyn o'i chyffordd ar ochr orllewinol cerbyttffordd gylchredol Cylchfan Pont Canaston hyd at bwynt 19 o fetrau i'r gorllewin o'r gyffordd honno.

Cerbyttffordd gylchredol Cylchfan Pont Canaston yr A40 yn Sir Benfro.

#### **YR A40 - WDIG**

Y darn o gefnffordd yr A40 o'r enw Parrog yn Wdig yn Sir Benfro sy'n ymestyn o'i chyffordd ar ochr ogleddol cerbyttffordd gylchredol Cylchfan Windyhall hyd at bwynt 58 o fetrau i'r de-ddwyrain o'i chyffordd â'r ffordd fynediad i Faes Parcio Phoenix.

#### **YR A40 - ABERGWAUN**

Y darn o gefnffordd yr A40 yn Abergwaun yn Sir Benfro sy'n ymestyn o'i chyffordd ar ochr ddeheuol cerbyttffordd gylchredol Cylchfan Windyhall hyd at bwynt 25 o fetrau i'r de o'r gyffordd honno.

Cerbyttffordd gylchredol Cylchfan Windyhall yr A40 yn Sir Benfro.

#### **YR A477 - LONDON ROAD, DOC PENFRO**

Y darn o gefnffordd yr A477 o'r enw London Road yn Noc Penfro yn Sir Benfro sy'n ymestyn o'i chyffordd ar ochr dde-ddwyreiniol cerbyttffordd gylchredol Cylchfan Waterloo Road hyd at bwynt 22 o fetrau i'r de-ddwyrain o ganolbwynt ei chyffordd ag Eastern Avenue.

Cerbyttffordd gylchredol Cylchfan Waterloo Road yr A477 yn Sir Benfro.

#### **YR A487 - ABERGWAUN**

Y darn o gefnffordd yr A487 o'r enw Hill Terrace yn Abergwaun yn Sir Benfro sy'n ymestyn o bwynt 70 o fetrau i'r gogledd o ganolbwynt ei chyffordd â Tower Hill hyd at bwynt 8 metr i'r gogledd-orllewin o ganolbwynt ei chyffordd â Maes Parcio Skirmisher a Bridge Street.

#### **YR A487 - EGLWYSWRW**

Y darn o gefnffordd yr A487 yn Eglwyswrw, Crymych yn Sir Benfro sy'n ymestyn o bwynt 12 metr i'r de-orllewin o ganolbwynt ei chyffordd â'r ffordd fynediad sy'n arwain at yr annedd o'r enw Penllyn hyd at bwynt 92 o fetrau i'r de-orllewin o ganolbwynt y gyffordd honno.

Y darn o gefnffordd yr A487 yn Eglwyswrw, Crymych yn Sir Benfro sy'n ymestyn o bwynt 39 o fetrau i'r gogledd-ddwyrain o ganolbwynt ei chyffordd â'r ffordd ddienw sy'n gyfagos i Dŷ Hafren hyd at bwynt 176 o fetrau i'r gogledd-ddwyrain o ganolbwynt y gyffordd honno.

#### **YR A4076 - JOHNSTON**

Y darn o gefnffordd yr A4076 o'r enw Milford Road yn Johnston yn Sir Benfro sy'n ymestyn o'i chyffordd ar ochr ddeheuol cerbyttffordd gylchredol Cylchfan Sunnycroft hyd at bwynt 90 o fetrau i'r de o'r gyffordd honno.



Y darn o gefnffordd yr A4076 o'r enw Milford Road yn Johnston yn Sir Benfro sy'n ymestyn o'i chyffordd ar ochr ogleddol cerbyttffordd gylchredol Cylchfan Sunnycroft hyd at bwynt 11 o fetrau i'r de o ganolbwynt ei chyffordd â Bulford Road.

Cerbyttffordd gylchredol Cylchfan Sunnycroft yr A4076 yn Sir Benfro.

#### **YR A4076 - CARTLETT**

Y darn o gefnffordd yr A4076 o'r enw Freemans Way yn Cartlett yn Hwlfordd, Sir Benfro sy'n ymestyn o bwynt 54 o fetrau i'r de o'i chyffordd â ffordd fynediad Neuadd Sir Penfro hyd at ei chyffordd ar ochr ddeheuol Cylchfan Salutation Square.

#### **YR A40 - FFORDD DDEUOL CARTLETT**

Y darn o gefnffordd yr A40 yn Cartlett yn Hwlfordd, Sir Benfro sy'n ymestyn o'i chyffordd ar ochr ddwyreiniol cerbyttffordd gylchredol Cylchfan Salutation Square hyd at bwynt 60 metr i'r dwyrain o ganolbwynt ei chyffordd â ffordd ymuno Cartlett Road.

#### **YR A40 - CARTLETT**

Cerbyttffordd gylchredol Cylchfan Salutation Square yr A40 yn Cartlett yn Hwlfordd, Sir Benfro.

#### **YR A4076 - PONT FADLEN**

Y darn o gefnffordd yr A4076 o'r enw Dredgeman Hill ym Mhont Fadlen yn Hwlfordd, Sir Benfro sy'n ymestyn o bwynt 28 o fetrau i'r de o'i chyffordd â Chylchfan Pont Fadlen hyd at bwynt 17 o fetrau i'r de-orllewin o ganolbwynt ei chyffordd ag Avallenau Drive.

#### **YR A4076 - ABERDAUGLEDDAU**

Y darn o gefnffordd yr A4076 o'r enw Steynton Road yn Steynton yn Aberdaugleddau, Sir Benfro sy'n ymestyn o bwynt 92 o fetrau i'r de-orllewin o ganolbwynt ei chyffordd â Mariners Way hyd at bwynt 18 metr i'r gogledd-ddwyrain o ganolbwynt ei chyffordd â'r B4325 Coombs Road.

#### **ATODLEN 2**

#### **TERFYN CYFLYMDER 20 MYA**

### **YR A483 - FFAIR-FACH**

Y darn o gefnffordd yr A483 yn Ffair-fach, Llandeilo yn Sir Gaerfyrddin sy'n ymestyn o ganolbwynt ei chyffordd â Heol y Maerdy hyd at bwynt 317 o fetrau i'r de-orllewin o'r gyffordd honno.

### **YR A487 - ABERGWAUN, CWM ABERGWAUN**

Y darn o gefnffordd yr A487 yng Nghwm Abergwaun, Abergwaun yn Sir Benfro sy'n ymestyn o bwynt 8 metr i'r gogledd-orllewin o ganolbwynt ei chyffordd â Maes Parcio Skirmisher/Bridge Street hyd at bwynt 40 metr i'r de-ddwyrain o ffordd ymuno ac ymadael ogledd-ddwyreiniol Maes Parcio Caer Abergwaun.

### **ATODLEN 3**

#### **TERFYN CYFLYMDER 20 MYA RHAN-AMSER**

### **YR A4076 - ABERDAUGLEDDAU**

Y darn o gefnffordd yr A4076 o'r enw Steynton Road yn Steynton yn Aberdaugleddau, Sir Benfro sy'n ymestyn o bwynt 35 o fetrau i'r gogledd-ddwyrain o ganolbwynt ei chyffordd â Skomer Drive hyd at bwynt 92 o fetrau i'r de-orllewin o ganolbwynt ei chyffordd â Mariners Way.